



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТPO 0024109 23  
Sarajevo, 15.12.2023. godine

## B O S N A I H E R C E G O V I N A

S U D  
BOSNE I HERCEGOVINE  
SARAJEVO

Na osnovu čl. 35 stav 2 tačka i), čl. 226. stav 1. i čl. 227. Zakona o krivičnom postupku Bosne i Hercegovine, podižem:

## O P T U Ź N I C U

*protiv osumnjičenih:*

GUANGHUA XIANG zvanog „Miki“, rodenog 1980. godine u mjestu Zhe Jian Qin Tian, Narodna Republika Kina, državljanina NR Kine,

„BU-BU-GAO“ d.o.o sa prijavljenom adresom sjedišta u Brčko distriktu BiH,

*što su:*

**1. GUANGHUA XIANG**

U februaru 2023. godine, u Brčkom, u svojstvu direktora i lica odgovornog za zastupanje u paravnoj osobi „BU-BU-GAO“ tržnica „Arizona“, koja

je obveznik poreza na dodatnu vrijednost u smislu čl. 12. i 13. Zakona o porezu na dodatnu vrijednost („Službeni glasnik BiH“, broj: 9/95 i 35/95) i člana 57. Zakona o postupku indirektnog oporezivanja („Službeni glasnik BiH“, broj: 89/05), sa identifikacionim brojem [REDACTED], u namjeri da izbjegnu plaćanje davanja propisanih zakonodavstvom BiH suprotno odredbama čl. 4, 15, 17, 20, 32, 38. i 39. Zakona o porezu na dodatnu vrijednost i člana 5. i 11. Pravilnika o primjeni zakona o porezu na dodatnu vrijednost („Službeni glasnik BiH“, broj: 93/05, 60/06 i 35/08), svjesno pružajući lažne podatke koji su od bitnog uticaja na utvrđivanje porezne obaveze pravnog lica „BU-BU-GAO“ [REDACTED], odnosno lažne podatke o stečenim oporezivim prihodima i drugim činjenicama koje su od uticaja na utvrđivanje poreznih obaveza, na način da je u poreznom periodu 01.02. – 28.02.2023. godine ostvareni oporezivi promet „BU-BU-GAO“ [REDACTED] u ukupnom iznosu od 142.290,95 KM, nije evidentirao kroz poslovne knjige navedenog pravnog lica, niti je isti putem podnesene prijave samooporezivanja za porezni period od 01.02.2023.god. do 28.02.2023. godine prijavio Upravi za indirektno oporezivanje BiH, tako da je suprotno navedenim odredbama Zakona o porezu na dodatnu vrijednost BiH nije obračunao porez na dodatnu vrijednost u ukupnom iznosu od 24.189,46 KM za koji iznos je ošteto budžet BiH.

2. **Pravno lice „BU-BU-GAO“ d.o.o. sa prijavljenom adresom sjedišta u Brčko Distriktu BiH, [REDACTED] tržnica „Arizona“, [REDACTED]** raspolagalo protivpravno ostvarenom imovinskom koristi u ukupnom iznosu od 24.189,46 KM koju je u ime, za račun i u korist iste, ostvario osumnjičeni Guanghua Xiang u svojstvu direktora i lica ovlaštenog za zastupanje pravnog lica bez ograničenja na način opisan pod tačkom 1.

čime su:

- **GUANGHUA XIANG**
  - počino krivično djelo – *Poreska utaja ili prevara iz člana 210. stav 1. Krivičnog zakona Bosne i Hercegovine, a*
- **pravno lice „BU-BU-GAO“ d.o.o. Brčko distrikt BiH**
  - počinio krivično djelo - *Poreska utaja ili prevara iz člana 210. stav 1. i članom 124. Krivičnog zakona Bosne i Hercegovine.*

Tužilac  
Tužilaštva-Tužiteljstva BiH